



論

衡

一



據中國國家圖書館藏宋乾
道三年紹興府刻宋元明遞
修本影印原書版框高二十
一·五釐米寬十五·四釐米



第一卷

逢遇第一

異言第二

命祿第三

氣壽第四

第二卷

幸禍第五

命義第六

無形第七

五姓第八

六人第九

第三卷

偶合第十

骨相第十一

初直第十二

本性第十三

物執第十三

怪奇第十五

第四卷

書法第十六

變虛第十七

第五卷

異虛第十八

惑虛第十九

第六卷

福虛第二十

禍虛第二十一

龍虛第二十二

雷虛第二十三

第七卷

道虛第二十四

器增第二十五

第八卷

儒增第二十六

藝增第二十七

第九卷

問孔第二十八

第十卷

非韓第二十九

朝孟第三十

第十一卷

設天第三十一

經日第三十一

昔侯第三十二

第十二卷

程材第三十四

量知第三十五

謝短第三十六

第十三卷

效力第三十七

別通第三十八

超奇第三十九

第十四卷

狀留第四十

寒溫第四十一

謹告第四十二

第十一卷

樂府詩集卷十一

樂府詩集卷十一

樂府詩集卷十一

樂府詩集卷十一

第十一卷

樂府詩集卷十一

樂府詩集卷十一

樂府詩集卷十一

樂府詩集卷十一

第十一卷

樂府詩集卷十一

樂府詩集卷十一

樂府詩集卷十一

第十一卷

樂府詩集卷十一

樂府詩集卷十一

樂府詩集卷十一

第十一卷

樂府詩集卷十一

樂府詩集卷十一

樂府詩集卷十一

第十一卷

樂府詩集卷十一

樂府詩集卷十一

樂府詩集卷十一

第十一卷

樂府詩集卷十一

樂府詩集卷十一

第二十二卷

紀妖第六十四

訂鬼第六十五

第二十三卷

言毒第六十六

薄葬第六十七

四諱第六十八

調時第六十九

第二十四卷

譏日第七十

卜筮第七十一

辨崇七十二

難歲第七十三

第二十五卷

詰術第七十四

解除第七十五

祀義第七十六

祭音第七十七

第二十六卷

養知第七十八

知實第七十九

第二十七卷

定賢第八十

第二十八卷

正說第八十一

書解第八十二

第二十九卷

案書第八十三

對作第八十四

第三十卷

自紀第八十五

論衡目錄

光緒甲申長洲葉昌熾親於五百餘種館



論衡

五

正德辛巳四月吉旦
南京國子監補刊完

自紀第八十五

論衡卷第一

逢遇篇



累害篇



命祿篇

氣壽篇

逢遇篇



操行有常賢仕宦無常遇賢不賢才也遇不遇時也
 才高行潔不可保以必尊貴能薄操濁不可保以必
 卑賤或高才潔行不遇退在下流薄能濁操遇在衆
 上世各自有以取士士亦各自得以進進在遇退在
 不遇處尊君顯未必賢遇也位卑在下未必愚不遇
 也故遇或抱滂行尊於桀之朝不遇或持潔節卑於
 堯之廷所以遇不遇非一也或時賢而輔惡或以大
 才從於小才或俱小才道有清濁或無道德而以技
 合或無技能而以色幸伍負帛喜宜讀俱事文老
 帛喜尊重伍負誅死此異操而同主也或操同而主
 異亦有遇不遇伊尹箕子是也伊尹箕子才俱也伊
 尹為相箕子為奴伊尹遇成湯箕子遇商紂也夫以
 賢事賢君君欲為治臣以賢才輔之趨合偶合其遇
 固宜以賢事惡君君不欲為治臣以忠行佐之操志
 乖忤不遇固宜或以賢聖之臣遭欲為治之君而終
 有不遇孔子孟軻是也孔子絕糧陳蔡孟軻困於齊

梁非註曰君主不用善也才下知淺不能用大才也
能御兵騷者必王良也能臣禹稷稷良陶者必堯舜
御百田王之手而以調千里之足必有推衡折軔之患
有接日具臣之才而以御大臣之知必有閉心塞意之
變故公三言巢指聖賢距逆非憎聖賢不甘至言也聖
賢務高至言難行也夫以大才干小才小才不能受
不遇固宜以大才之臣遇大才之主乃有遇不遇虞
舜許由太公伯夷是也虞舜許由俱聖人也並生唐
世俱而於堯虞舜紹帝統許由入山林太公伯夷俱
賢也並出周國皆見武王太公受封伯夷餓死夫賢
聖道同心合趨齊虞舜太公行耦許由伯夷操違者
生非廿六世出非其時也道雖同同中有異志雖合合
中有離何則道有精麤麤志有清濁也許由皇者之輔
也生於帝者之時伯夷帝者之佐也出於王者之世並
由道德俱養仁義主行道德不清不福主為仁義
不高不止此其所以不遇也堯溷舜濁武王誅殘太
公討暴同濁皆麤舉措鈞齊此其所以為遇者也故
舜王天下皋陶佐政比人無擇深隱不見禹王天下
伯益輔治伯成子高委位而耕非皋陶才愈無擇伯
益能出子高也然而皋陶伯益進用無擇子高退隱

進用行耦退隱心操違也退隱勢異身雖屈不願進人主
不須其言廢之意亦不恨是兩不相慕也商鞅三說秦
孝公前二說不聽後一說用者前二帝王之論後一霸
者之議也夫持帝王之論說霸者之主雖精見距更調
霸說雖鹿麕見受何則精遇孝公所不得鹿麕遇孝公所欲
行也故說者不任善在所說者善之才不待賢在所事
者賢之馬圈之說既無方而野人說之子貢之說有義野人
不聽吹籟工為善聲因越王不喜更為野聲越王大
說故為善於不欲得善之主雖善不見愛為不善於欲
得不善之主雖不善不見憎此以曲伎合合則遇不合
則不遇或無伎上女以女技巧合上志亦有以遇者竊簪之
臣雞鳴之客是竊簪之臣親於子反雞鳴之客幸於孟
嘗子反好偷臣之血嘗愛偽客也以有補於人君人君賴
之其遇固宜或無補益為上所好籍孺鄧通是也籍孺
幸於孝惠鄧通愛於孝文無細簡之才微薄之能偶以
形佳骨蘭皮媚色稱夫好容人所好也其遇固宜或以
醜面惡色稱媚於上媼母無鹽是也媼母進於黃帝無
鹽納於齊王故既只不肖可豫知遇難先圖何則人主好
惡無常人主所任廷無豫偶合為是適可為上進者未必
賢退者未必愚合幸得進不幸失之世俗之議曰賢人

可遇不遇亦自其谷也生不希世准主觀鑒治內調能
定說審司際會能進有補贖土何不遇之有今則不然
作無益之能納無補之說以夏進鑪以冬奏扇為所不
欲得之事獻所不欲聞之語其不遇禍幸矣何福祐之
有乎進能有益納說有補人之所知也或以不補而得
祐或以有益而獲罪且夏時鑪以冬濕冬時扇以夏火
世可希主不可准也說可轉能不可易也世主好文已
為文則遇主好武已則不遇主好辯有口則遇主不好
辯已則不遇文王不好武武王不好文辯主不好行行
主不好辯文與言尚可異習行與能不可卒成學不宿

論語卷一

四

監生蔣纘

習無以明名名不素著無以遇主倉猝之業須臾之名
日力不足不預聞何以准主而納其說進身而託其能
哉昔周人有仕數不遇年老白首泣涕於塗者人或問
之何為泣乎對曰吾仕數不遇自傷年老失時是以泣
也人曰仕柰何不一遇也對曰吾年少之時學為文文
德成就始欲仕宦人君好用老用老主亡後主又用武
吾更為武武節始就武主又亡少主始立好用少年吾
年又老是以未嘗一遇仕宦有時不可求也夫希世准
主尚不可為況節高志妙不為利動性定質成不為主
顧者乎且夫遇也能不預設說不宿具邂逅逢喜遭合

上意故謂之遇如准主調說以取尊貴是名爲揣不
名曰遇春種穀生秋刈穀收得物作事事成不名爲
遇不求自至不作自成是名爲遇猶拾遺於塗撫棄
野若天授地生鬼助神輔禽息之精陰慶鮑叔之鬼
默舉若是者乃遇耳今俗人既不能定遇不遇之論
又就颺譽之因不遇而毀之是據見效案成事不能
量操審才能也

累害篇

凡人仕宦有稽留不進行節有毀傷不全罪過有累
積不除聲名有闇昧不明才非下行非恃也又知非

一

昏蒙非昧也逢遭外禍累害之也非唯人行凡物皆
然生動之類咸被累害自外不異肉夫不本累害所從生
起而徒歸責於被累害者智不明闇塞於理者也物
以春生人保之以秋成人必不能保之卒然牛馬踐根刀鎌
割莖生者不盲至秋不成不成之類遇害不遂不得生
也夫鼠涉飯中稍而不食指飯之味與彼不汚者鈞
以鼠爲害棄而不御君子之累害與彼不育之物不
御之飯同一實也俱由外來故爲累害脩身正行不
能來福戰栗戒懼不能避禍禍福之至幸不幸也故
曰得非已力故謂之福來不由我故謂之禍不由我者謂

之何由由鄉里與朝廷也夫鄉里有三累朝廷有三害累
生於鄉里害發於朝廷古今才洪行淑之人遇此多矣
何謂三累三害凡人操行不能慎擇友友同心恩篤異
心疎薄疎薄怨恨毀傷其行一累也人才高下不能鈞
同同時並進高者得榮下者慙志毀傷其行二累也人
之交遊不能常歡歡則相親忿則疎遠疎遠怨恨毀傷
其行三累也位少人衆仕者爭進進者爭位見將相毀
增加傳致將昧不明然納其言一害也將吏異好清濁
殊操清吏增郁郁之白舉涓涓之言濁吏懷恚怨恨徐
求其過因纖微之謬被以罪罰二害也將或幸佐吏之身

納受其言佐吏非清節必拔人越次近失其意毀之過
度清直之位抗行伸志遂為所憎毀傷於將三害也夫
未造也身被三累已用也身蒙三害雖孔丘墨翟不能
自免顏回曾參不能全身也動百行作萬事嫉妬之人
隨而雲起荆棘鉤掛容體逢羆蟲之害黑喙螫懷操豈徒六
哉六者章世世曾不見夫不原士之操行有三累仕官
有三害身完全者謂之潔被毀謗者謂之辱官升進者
謂之善位廢退者謂之惡完全升進幸也而稱之毀謗
廢退不遇也而訾之用心若此必為三害也論者既不
知累害者行賢潔也以塗搏泥以黑點繒孰有知

之清受塵 白取垢青蠅之汗常在練素處顯者危 勿豐
者虧頹墜 之類常在懸空屈平潔白品大群吠吠所怪
也非俊 保固庸能也 世所坐以俊傑之才 為生 招致
群吠之聲 夫如是宜宜與人勉效下循不肖或不肖如不
非所勉也 宜更偶俗全身彌強 謗故偶俗全身則鄉原
也鄉原之 行全無闕非之無舉刺之無刺也此又孔子
之所罪也 古賢美極無以衛身故循性行以
俟累害者 來賢潔之人也極累害之謗而堅潔之實見焉
立賢潔之 跡毀謗之塵安得不生 然若思折伯牙之指御
者願推 以之手何則欲專良善之名惡彼之勝已也是

故魏文色 鄭祖鼻之朝吳忠貞無忌逐之戚施彌妬濠

除多世是 濕堂不洒塵卑屋不蔽風風衝之物不得育
冰湍之岸 得峭如是 蒲里陳蔡可得知而沉江蹈河也
以軼才 媚於俗求全功力於將不遭 鄧析之禍取子
肯之誅 六孟具之尸人不刃者氣絕也死交百解人不
沃者光滅也 動身章智顯光氣於世奮志教黨立卓異於
俗固常通 人所譏嫉也 以方心偶俗之累求益反損 善亂
子所以 心益斬所以惆悵也 德鴻者招謗 偽士者多以
以休熾之 聲彌口舌之患亦無危傾之害 遠矣 臧倉之毀
未嘗絕也 公伯寮之過 未嘗滅也 堙成丘山汗為江河

矣夫如是市虎之訛投杼之誤不足怪則玉變爲石
珠化爲礫不足詭也何則昧心冥冥之知使之然也
文王所以爲糞土而惡來所以爲金玉也非紂憎聖
而好惡也心知惑蔽蔽惑不能審則微子十去比干
五剖未足痛也故三監讒聖人周公奔楚後母毀孝
子伯竒放流當時周世孰有不惑乎後鴟鴞作而黍
離興諷詠之者乃悲傷之故無雷風之變周公之惡
不滅當夏不隕霜鄒行之罪不除德不能感天誠不
能動變君子篤信審已也安能遏累害於人聖賢不
治名害至不免辟形章墨短掩匿白長不理身冤不

弭流言受垢取毀不求潔完故惡見而善不彰行缺
而跡不顯邪僞之人治身以巧俗脩詐以偶衆猶漆
盤盂之工穿墻不見弄丸劍之倡手指不知也世不
見短故共稱之將不聞惡故顯用之夫如是世俗之
所謂賢潔者未必非惡所謂邪汚者未必非善也或
曰言有招患行有召耻所在常由小人夫小人性患
耻者也含邪而生懷僞而遊沐浴累害之中何招召
之有故夫火生者不傷濕水居者無溺患火不苦熱
水不痛寒氣性自然焉招之君子也以忠言招患以
高行招耻何世不然然而太山之惡君子不得名毛

髮之善小人不得有也以玷汚言之清受塵而白取
垢以毀謗言之真良見妬高竒見噪以遇罪言之忠
言招患高行招耻以不純言之玉有瑕而珠有毀焦
陳留君兄名稱究河行完勁潔無纖芥之毀及其當
為從事刺史焦康紆而不用夫未進也被三累已用
也蒙三害雖孔丘黑翟不能自免顏回魯參不能全
身也何則失知純善之人非真賢也公侯已下玉石
雜糅賢士之行善惡相苞夫米玉者破石拔玉選士
者棄惡取善夫如是累害之人負世以行拍擊之者
從何往哉

論衡

命祿篇

凡人遇偶及遭累害皆由命也有死生壽夭之命亦
有貴賤貧富之命自王公逮庶人聖賢及下愚凡有
首目之類含血之屬莫不有命命當貧賤雖富貴之
猶涉禍患矣命當富貴雖貧賤之猶逢福善矣故命
貴從賤地自達命賤從富位自危故夫富貴若有神
助貧賤若有鬼禍命貴之人俱學獨達並仕獨遷命
富之人俱求獨得並為獨成貧賤反此難達難遷難
成獲過受罪疾病亡遺失其富貴貧賤矣是故才高
行厚未可保其必富貴智寡德薄未可信其必貧賤

或時才高行厚命惡廢而不進知寡德薄命善興而
超踰故夫臨事如遇操行清濁性與才也仕宦貴賤
治產貧富命與時也命則不可勉時則不可力知者
歸之於天故曰蕩恬忽雖其貧賤使富貴若鑿溝伐
薪加勉力之能致疆健之勢鑿不休則溝深芥不止
則薪多無命之人皆得所願安得貧賤凶危之患哉
然則或時溝未通而遇湛薪未多而遇虎仕宦不貴
治產不富鑿溝遇湛伐薪逢虎之類也有才不得施
有智不得行或施而功不立或行而事不成雖才智
如孔子猶無成立之功世俗見人節行高則曰賢哲

命與時

九

沈

如此何不貴見人謀慮深則曰辯慧如此何不富貴
富有命福祿不在賢哲與辯慧故曰富不可以籌策
得貴不可以才能成智慮深而無財才能高而無官
懷銀紉紫未必稷契之才積金累玉未必陶朱之智
或時下愚而千金禎魯而典城故官御同才其貴殊
命治生鈞知其富異祿祿命有貧富知不能豐殺性
命有貴賤才不能進退成王之才不如周公桓公之
智不若管仲然成桓受尊命而周管稟卑秩也案古
人若希有不學於人臣知博希有不為父師然而人
君猶以無能處主位人臣猶以鴻才為廝役故貴賤

在命不在智愚貧富在祿不在頑慧世之論事者以能高當為將相能下者宜為農商見智能之士官位不至怪而訾之曰是必毀於行操行操之士亦怪毀之曰是必乏於才知然不知才知行操雖高官位祿有命才智之人以吉盛時舉事而福至人謂才智明審凶衰禍來謂愚闇不知吉凶之命盛衰之祿也白圭子貢轉貨致富積累金玉人謂術善學明主父偃辱賤於燕排擯不用赴闕舉疏遂用於漢官至齊相趙人徐樂亦上書與偃章會上善其言徵拜為郎人謂偃之才樂之慧非也儒者明說一經習之京師明

論衡卷一

十

論衡卷一

如匡穉圭深如趙子都初階甲乙之科遷轉至郎博士人謂經明才高所得非也而談若范雎之干秦明封為應侯蔡澤之說范雎拜為客卿人謂雎澤美善所致非也皆命祿貴富善至之時也孔子曰死生有命富貴在天魯平公欲見孟子嬖人臧倉毀孟子而止孟子曰天也孔子聖人孟子賢者誨人安道不失是非稱言命者有命審也淮南書曰仁鄙在時不在行利害在命不在智賈生曰天不可與期道不可與謀遲速有命焉識其時高祖擊黥布為流矢所中疾甚呂后迎良醫醫曰可治高祖罵之曰吾以布衣提

三尺劍取天下此非天命乎命乃在天雖扁鵲何益
韓信與帝論兵謂高祖曰陛下所謂天授非智力所
得揚子雲曰遇不遇命也太史公曰富貴不違貧賤
貧賤不違富貴是謂從富貴為貧賤從貧賤為富貴
也大富貴不欲為貧賤貧賤自至貧賤不求為富貴
富貴自得也春夏囚死秋冬王相非能為之也日朝
出而暮入非求之也天道自然代王自代入為文帝
周亞夫以庶子為條侯此時代王非太子亞夫非適
嗣逢時遇會卓然卒至命貧以力勤致富富至而死
命賤以才能取貴貴至而免才力而致富貴命祿不

六論卷一

十一

並生滿堂

能奉持猶器之盈量手之持重也器受一升以一升
則平受之如過一升則滿溢也手舉一鈞以一鈞則
平舉之過一鈞則躓仆矣前世明是非歸之於命也
命審然也信命者則可幽居俟時不須勞精苦形求
索之也猶珠玉之在山澤天命難知人不耐審雖有
厚命猶不自信故必求之也如自知雖逃富避貴終
不得離故曰力勝貧慎勝禍勉力勤事以致富砥才
明操以取貴廢時失務欲望富貴不可得也雖云有
命當須索之如信命不求謂當自至可不假而自得
不作而自成不行而自至夫命富之人筋力自彊命

貴之人才智自高若千里之馬頭目蹄足自相副也
有求而不得者矣未必不求而得之者也精學不求
貴貴自至矣力作不求富富自到矣富貴之福不可
求致貧賤之禍不可苟除也由此言之有富貴之命
不求自得信命者曰自知吉不待求也天命吉厚不
求自得天命凶厚求之無益夫物不求而自生則人
亦有不求貴而貴者矣人情有不教而自善者有教
而終不善者矣天性猶命也越王翳逃山中至誠不
願自冀得代越人燠其穴遂不得免疆立為君而天
命當然雖逃避之終不得離故夫不求自得之貴歟

氣壽篇

十一

養生篇

凡人稟命有二品一曰所當觸值之命二曰疆弱壽
夭之命所當觸值謂兵燒壓溺也疆壽弱夭謂稟氣
渥薄也兵燒壓溺遭以所稟為命未必有審期也若
夫疆弱夭壽以百為數不至百者氣自不足也夫稟
氣渥則其體疆體疆則其命長氣薄則其體弱體弱
則命短命短則多病壽短始生而死未產而傷稟之
薄弱也渥疆之人不卒其壽若夫無所遭遇虛屈困
劣短氣而死此稟之薄用之竭也此與始生而死未
產而傷一命也皆由稟氣不足不自致於百也人之

稟氣或充實而堅強或虛劣而軟弱充實堅強其年
壽虛劣軟弱失棄其身天地生物物有不遂父母生
子子有不就物有為實枯死而墮人有為兒夭命而
傷使實不枯亦至滿歲使兒不傷亦至百年然為實
兒而死枯者稟氣薄則雖形體完其虛劣氣少不能
充也兒生號啼之聲鴻朗高陽者壽嘶唱濕下者夭
何則稟壽夭之命以氣多少為主性也婦人疏字者
子活數乳者子死何則疏而氣溼子堅彊數而氣薄
子軟弱也懷子而前已產子死則謂所懷不活名之
曰懷其意以為已產之子死故感傷之子失其性矣
所產子死所懷子凶者字乳亟數氣薄不能成也雖
成人形體則易感傷獨先疾病病獨不治百歲之命
是其正也不能滿百者雖非正猶為命也譬猶人形
一文正形也名男子為丈夫尊公姬為丈人不滿丈
者失其正也雖夫其正猶乃為形也夫形不可以不
滿丈之故謂之非形猶命不可以不滿百之故謂之
非命也非天有長短之命而人各有稟受也由此言
之人受氣命於天卒與不卒同也語曰圖王不成其
弊可以霸霸者王之弊也霸本常至於王猶壽當至
於百也不能成王退而為霸不能至百消而為天王

霸同一葉優劣異名壽夭同一氣長短殊數何以知
不滿百爲夭者百歲之命也以其形體小大長短同
一等也百歲之身五十之體無以異也身體不異血
氣不殊鳥獸與人異形故其年壽與人殊數何以明
人年以百爲壽也世間有矣儒者說曰太平之時人
民侗長百歲左右氣和之所生也堯典曰朕在位七
十載求禪得舜舜徵三十歲在位堯退而老八歲而
終至殂落九十八歲未在世之時必已成人今計數
百有餘矣又曰舜生三十徵用三十在位五十載陟
方乃死適百歲矣文王謂武王曰我百爾九十吾與

論衡

十四

監生潘重

爾三焉文王九十七而薨武王九十三而崩周公武
王之弟也兄弟相差不過十年武王崩周公居攝七
年復政退老出八百歲矣邵公周公之兄也至康王
之時尚爲太保出入百有餘歲矣聖人稟和氣故年
命得正數氣和爲治平故太平之世多長壽人百歲
之壽蓋人年之正數也猶物至秋而死物命之正期
也物先秋後秋則亦如人死或增百歲或減百也先
秋後秋爲期增百減百爲數物或出地而死猶人始
生而夭也物或踰秋不死亦如人年多度百至於三
百也傳稱老子二百餘歲邵公百八十高宗享國百

年周穆王享于國百年并未享國之時皆出百二十三
十歲矣

論衡卷第一

論衡卷第一
十歲矣
年周穆王享于國百年并未享國之時皆出百二十三

論衡卷第二

王充

幸偶篇

命義篇

無形篇

率性篇

吉驗篇

幸偶篇

凡人操行有賢有愚及遭禍福有幸有不幸舉事
有是有非及觸賞罰有偶有不偶並時遭兵隱者
不中同日被霜蔽者不傷中傷未必惡隱蔽未必

善隱蔽幸中傷不幸俱欲納忠或賞或罰並欲有
益或信或疑賞而信者未必真罰而疑者未必偽
賞信者偶罰疑不偶也孔子門徒七十有餘顏回
蚤夭孔子曰不幸短命死矣短命稱不幸則知長
命者幸也短命者不幸也服聖賢之道講仁義之
業宜蒙福祐伯牛有疾亦後顏回之類俱不幸也
螻蟻行於地人舉足而涉之足所履螻蟻若死足
所不蹈生活不傷火燔野草車轢所致火所不燔
俗或喜之名曰幸草夫足所不蹈火所不及木必
善也舉火行道適然也由是以論癰疽之發亦一

仁義利害不同晉文脩文德徐偃行仁義文公以
賞賜偃王以破滅魯人為父報仇安行不走遊者
捨之牛缺為盜所奪和意不恐盜還殺之文德與
仁義同不走與不恐亦然文公魯人得福偃王牛
缺得禍者文公魯人幸而偃王牛缺不幸也韓昭
侯醉卧而寒典冠加之以衣覺而問之知典冠愛
已也以越職之故加之以罪衛之驂乘者見御者
之過從後呼車有救危之義不被其罪夫驂乘之
呼車與冠之加水同一意也加水恐主之寒呼車
恐君之危仁惠之情俱發於心然而於韓有罪於
衛為忠驂乘偶典冠不偶也非惟人行物亦有之
長數仞之竹大連抱之木二技之人裁而用之或
成器而見舉持或遺材而遭廢棄非工技之人有
愛憎也刀斧如有偶然也蒸穀為飯釀飯為酒酒
之成也甘苦異味飲之熟也剛柔殊和非庖厨酒
人有異意也手指之調有偶適也調飯也殊筮而
居甘酒也異器而處蟲墮一器酒棄不飲鼠涉一
筮飯捐不食夫百草之類皆有補益遭醫人採拙
成為良藥或遺枯澤為火所燎等之金也或為劍
戟或為鋒鋸同之木也或以梁於宮或柱於橋俱之火

也。或燦脂燭，或燔枯草，均之土也。或基殿堂，或塗軒戶，皆之水也。或漑釜鼎，或灑櫛臭物，善惡同遭，為人用其不幸，偶猶可傷痛。況含此川氣之徒乎？虞舜聖人也，在世宜蒙全安之福，父頑，母嚚，弟象傲，狂無過見，憎不惡而得罪，不幸甚矣。孔子舜之次也，生無及土，周流應聘，削迹絕糧，俱以聖才，並不幸偶，舜尚遭堯受禪，孔子止死於闕里，以聖人之才，猶不幸偶庸人之中，被不幸偶，禍必衆多矣。

命義篇

墨家之論以為人死無命，儒家之議以為人死有命。

論衡二

四

史隆

言有命者見子夏言死生有命，富貴在天，言無命者聞歷陽之都一宿沉而為湖，秦將白起坑趙降卒於長平之下，四十萬衆同時皆死，春秋之時，敗績之軍死者蔽草，尸且萬數，饑饉之歲，餓死滿道，溫氣疫癘，千戶滅門，如必有命，何其秦齊同也。言有命者夫天下之大，人民之衆，一歷陽之都，一長平之坑，同命俱死，味可恠也。命當溺死，故相聚於歷陽，命當壓死，故相積於長平，猶高祖初起，工相入豐沛之邦，多封侯之人矣，未必老少男女俱貴而有相也。卓礫時見往，往皆然而歷陽之都，男女俱沒，長平之坑，老少並壓。

數萬載

並起不

災象福

國命勝

貴成之

惡皆見

幾雖有

乃命非

初高祖

禍象星

衰感物

一感物

曰死生

者何別

則氣渥

弱者氣

言有命

衆星之

貧成象

星天施

之中必有一死命亦由死之人遭時衰微

其壽人命有長時有盛衰衰則疾病被

驗日並災四國之民必有禍然而俱災國禍陵之也故

命壽可命所祿命人有壽夭之相亦有貧富

必便見於命所稟於天骨法善

於體命善則壽命稟行終不得長祿當貧

且死顧謂其徒曰吾敗

實者項羽用兵過於高

入死於命正所謂命吉於衆星列宿吉凶國有

人之言吉凶猶歲之有豐耗命有

一貴一賤一壽之間一衰

之衰感不在賢愚子夏

命生在天而不曰死生在天富貴有命

死生在天必性為主稟得堅強之性

厚而能堅則壽命長壽命長則不

少然而性靡則壽命短則蚤死故

命則性也至於富貴所稟猶性所稟之氣得

明衆星在天天有其氣亦得富貴象則富貴得

則貧賤故曰在天在天如何天有百官有衆

氣而衆星亦精天所施氣衆星之氣在其中

夫... 命氣而... 得貴則貴... 命者...

我者... 命者... 命者... 命者...

也... 命者... 命者... 命者...

天有三... 命者... 命者... 命者...

二曰... 命者... 命者... 命者...

骨善... 命者... 命者... 命者...

行同... 命者... 命者... 命者...

行善... 命者... 命者... 命者...

凡人... 命者... 命者... 命者...

異或... 命者... 命者... 命者...

禍福... 命者... 命者... 命者...

行惡... 命者... 命者... 命者...

言凶... 命者... 命者... 命者...

鬼操... 命者... 命者... 命者...

乃能... 命者... 命者... 命者...

行惡... 命者... 命者... 命者...

攻奪... 命者... 命者... 命者...

天如... 命者... 命者... 命者...

於外... 命者... 命者... 命者...

守行... 命者... 命者... 命者...

守行... 命者... 命者... 命者...

於與乎以才自殺伯牛空居而遭惡疾及屈平出而遭
徒盡志輔上竭王臣之節而楚放其身吳寬其台行
善當得隨命之福乃觸遭命之禍何哉言隨命則無
遭命言遭命則無隨命儒者三命之說竟何所定且
命在初生骨稟最著見今言隨操行而至此命在志不在
本也則言骨稟最著見在初稟之時不在長大之後隨
操行而至也正命者至百而死隨命者至十而死隨
命者初稟氣時善以惡也謂姪姬之時善為惡也
善雷謂之善長六六死此謂三命亦有二性者一有
隨有遭二者稟五常之性也隨者隨父母之性言隨者
遭得惡物象之故也故姬婦食克子生訣言曰本曰
是月也三而將發善有不戒其容者生子不備必有六凶
疇孽與盲氣薄胎傷故受性狂悖者舌似我初生之
時養似豺狼長大性惡被禍而死亡母身時遭惡毒
性丹朱商均之類是也性命在本故禮有崇教之法
子在身時席不正不坐割不正不食非正色目不視
非正聲耳不聽以長置以賢益叩良傳教君臣敬野之
不肖在此時矣受氣時母不謹慎心志慮邪則子長
大狂悖不善形體醜惡素女也黃帝陳五女之法非
徒傷父母之身乃又賊男女之性人有命有祿有遭

遇有辛偶命者貧富貴賤也祿者盛衰興廢也以命
富貴貴者富盛之祿常安不危以命常有賤遇富貴
之祿則禍殃乃王常苦不樂遇者時運非常之變若
成湯囚夏桀文王厄紂里矣以聖明之德而有囚厄
之變可謂遭天變難甚大命者祿成變不為害也
遭逢之禍是之可遭可也則大矣直兵指曾白刃加頸
頭死之也此當知死之必執死得生還命善惡盛衰
是之禍不能害也此當知之也長平之坑其中必有命
善惡盛之又一審同病下有遭逢之禍大命是之盛
災能都也譬猶火八知此水盛勝火火盛勝水遇
其王而用也善有善四祿不遇知已之三不得效
驗主善謂所遭遇得善惡也獲罪得脫幸也無罪見
和不幸也執拘未久矣今得出命善得盛夫災之禍
不能傷也偶也謂事也此以道事君君善其言遂用
其身偶也行與主善也此以道事君君善其言遂用
其乃命主祿盛不偶之善不能留也故夫遭遇幸偶
或與命祿共或與命離遭遇幸偶遂以成完遭遇不
幸偶遂以敗壞是與命并者也中不遂成善轉為惡
是與命祿離者也此人之在世有吉凶之性命有
成敗之禍福也此以道事君君善其言遂用

善惡之行得其胃中之志希矣

無形篇

人稟元氣於天各受壽夭之命以立長短之形猶陶者用上為筮廉治者用銅為梓杆矣形器已成不可小大人體已定不可增減用氣為性成命定體氣與形骸相抱生死與期節相須形不可變化命不可減加以陶冶言之人命短長可得論也或難曰陶者用埴為筮廉實廉壹成遂至毀敗不可復變若夫治者用銅為梓杆梓杆雖已成器猶可復爍梓可得為尊尊不可為筮人稟氣於天雖各受壽夭之命立以形體如得善道神藥形可變化命可加增曰治者變更成器須先以火煇爍乃可大小短長人冀延年欲比於銅器宜有若鑪炭之化乃易形形易壽亦可增人何由變易其形便如火爍銅器乎禮曰水潦降不獻魚鼈何則雨水暴下蟲蛇變化化為魚鼈離本真暫變之蟲臣子謹慎故不敢獻人願身之變其若蟲蛇之化乎夫蟲蛇未化者不若不化者蟲蛇未化人不食也化為魚鼈人則食之有食則壽命乃短非所冀也歲月推移氣變物類蝦蟇為鶉雀為蜾蠃人願身之變比翼若鶉與蜾蠃魚鼈之類也人設捕蜾

蛤得者食之雖身之不化壽命不得長非所冀也魯
公牛哀寢疾七日變而成虎。虎鯨殛羽山化為黃能。能音
奴來。願身變者冀牛哀之為虎鯨之為能乎。則夫虎
能之壽不能過人。天地之性人最為貴。變人之形更
為禽獸非所冀也。凡可冀者以老翁變為嬰兒。其次
白髮復黑齒落復生身氣丁彊超乘不衰乃可貴也。
徒變其形壽命不延其何益哉。且物之變隨氣若應
政治有所象為非天所欲壽長之故變易其形也。又
非得神草珍藥食之而變化也。人恒服藥固壽能增
加本性益其身年也。遭時變化非天之正氣人所受
之真性也。天地不變日月不易星辰不沒正也。人受
正氣故體不變時或男化為女女化為男由高岸為
谷深谷為陵也。應政為變為政變非常性也。漢興老
父授張良書已化為石。是以石之精為漢興之瑞也。
猶河精為人持璧與秦使者亡秦之徵也。蠶食桑老
績而為繭。繭又化而為娥。娥有兩翼變去蠶形。螭螭
化為復育。復育轉而為蟬。蟬生兩翼不類螭螭。凡諸
命孺蜚之類多變其形。易其體至人獨不變者。向亦得
正也。生為嬰兒長為丈夫老為父翁從生至死未嘗
變更者。天性然也。天性不變者不可令復變。變者不
可令復變變者不
可不變若天變者

之壽不若不變者人欲變其形輒增益其年可也如徒
變其形而年不增則蟬之類也何謂人願之龍之為
蟲一存一亡一短一長龍之為性也變化斯湏輒復
非常由此言之人物也受不變之形不可變更年不
可增減傳稱高宗有桑穀之異悔過反政享福百年
是虛也傳言宋景公出三善言熒惑却三舍延年二
十一載是又虛也又言秦繆公有明德上帝賜之十
九年是又虛也稱赤松王喬好道為仙度世不死是
又虛也假令人生立形謂之甲終老至死常守甲形
如好道為仙未有使甲變為乙者也夫形不可變更
年不可增減何則形氣性天也形為春氣為夏人以
氣為壽形隨氣而動氣性不均則於體不同牛壽半
馬馬壽半人然則牛馬之形與人異矣稟牛馬之形
當自得牛馬之壽牛馬之不變為人則年壽亦短於
人世稱高宗之徒不言其身形變異而徒言其增延
年壽故有信矣形之血氣也猶囊之貯粟米也一口
囊之高大亦適一石如損益粟米囊亦增減人以氣
為壽氣猶粟米形猶囊也增減其壽亦當增減其身
形安得如故如以人形與囊異氣與粟米然更以苞
瓜喻之苞瓜之汁猶人之血也其肌猶肉也試令人

損益苞瓜之汁令其形如故附為之乎人不損益苞瓜之汁天安耐增減人之年人年不可增減高宗之徒誰益之者而云增加如言高宗之徒形體變易其年亦增乃可信也今言年增不言其體變未可信也何則人稟氣於天氣成而形立則命相須以至終死形不可變化年亦不可增加以何驗之人生能行死則僵仆死則氣滅形消而懷稟生人形不可得變其年安可增人生至老身變者髮與膚也人少則髮黑老則髮白白久則黃髮之變形所術也人少則膚白老則膚黑黑久則黯若有垢矣髮黃而膚為垢故禮曰

論衡

十一

黃者無疆髮變異故人老壽遲死骨肉不可變更壽極則死矣五行之物可變改者惟土也埏以為馬變以為人是謂未入陶竈更火者也如使成器入竈更火牢堅不可復變今人以為天地所陶冶矣形已成定何可復更也圖仙人之形體生毛臂變為翼行於雲則年增矣千歲不死此虛圖也世有虛語亦有虛圖假使之然蟬娥之類非真正人也海外三十五國有毛民羽民羽則翼矣毛羽之民土形所出非言為道身主毛羽也禹益見西王母不言有毛羽不死之民亦在外國不言有毛羽毛羽之民不言不死不死

之民不言毛羽毛羽未可以效不死仙人之有翼安足以驗長壽乎

率性篇

論人之性定有善有惡其善者固自善矣其惡者故可教告率勉使之為善凡人君父審觀臣子之性善則養育勸率無令近惡近惡則輔保禁防令漸於善善漸於惡惡化於善成為性行戲若生子罔不在厥召公戒成王曰今王初服厥命於初生生子謂十五子初生意於善終以善初生意於惡終以惡詩曰彼姝者子何以與之傳言譬猶練絲染之藍則青染之丹則赤十五之子其猶絲也其有

所漸化為善惡猶藍丹之染練絲使之為青赤也青赤

一成真色無異是故揚子哭岐道墨子哭練絲也蓋傷離本不可復變也人之性善可變為惡惡可變為善猶此類也蓬生麻間不扶自直白紗入緇不練自黑彼蓬之性不直紗之質不黑麻扶緇染使之直黑夫人之性猶蓬紗也在所漸染而善惡變矣王良造父稱為善御不能使不良為良也如徒能御良其不良者不能馴服此則馭工庸師服馴技能何奇而世稱之故曰王良登車馬不罷駑堯舜為政民無狂愚傳曰堯舜之民可比屋而封桀紂之民可比屋而誅

斯民也三代所以直道而行也聖主之民如彼惡主
之民如此竟在化不在性也聞伯夷之風者貪夫廉
而懦夫有立志聞柳下惠之風者薄夫敦而鄙夫寬
徒聞風名猶或變節况親接形面相敦告乎孔門第
子七十之徒皆任卿相之用被服聖教文才雕琢知
能十倍教訓之功而漸漬之力也未入孔子之門時閭巷常
庸無奇其尤甚不率者唯子路也世稱子路無恒之庸人未
入孔門時戴雞佩豚勇猛無禮聞誦讀之聲搖雞奮
豚揚脣吻之音聆賢聖之耳惡至甚矣孔子引而教
之漸漬磨礪開導矯進猛氣消損驕節屈折卒能政
事序在四科斯蓋變化使惡為善之明效也夫肥沃

論語

十四

堯堯土地之本性也肥而沃者性美樹稼豐茂境而
堯堯者性惡深耕細鋤厚加糞壤勉致人功以助地力
其樹稼與彼肥沃者相似類也地之高下亦如此焉
以鑿錡鑿地以埤增下則其下與高者齊如復增鑿
錡則夫下者不徒齊者也反更為高而其高者反為
下使人之性有善有惡彼地有高有下勉致其教令
之善則將善者同之美善以化渥釀其教令變更為
善善則且更宜反過於往善猶下地增加鑿錡更崇
於高地也賜不受命而貨殖焉賜本不受天之富命
所加貨財積聚為世富人者得貨殖之術也夫得其術

雖不受命猶自益饒富性惡之人亦不稟天善性得
聖人之教志行變化世稱利劍有千金之價棠谿魚
腸之屬龍泉太阿之輩其本鋌山中之恒鐵也冶工
鍛鍊成爲鈹利豈利劍之鍛與鍊乃異質哉工良師
巧鍊一數至也試取東下直一金之劍更熟鍛鍊足
其火齊其鈹猶千金之劍也夫鐵石天然尚爲鍛鍊
者變易故質況人含五常之性賢聖未之熟鍛鍊耳
奚患性之不善哉古貴良醫畧者能知篤劇之病所從
生起而以針藥治而已之如徒知病之名而坐觀之
何以爲奇夫人有不善則乃性命之疾也無其教治

而欲令變更豈不難哉天道有真僞真者固自與天
相應僞者人加知巧亦與真者無以異也何以驗之
禹首白瓊琳琅玕者此則土地所生真玉珠也然而
道人消燦五石作五色之玉比之真玉光不殊別兼魚
蚌之珠與禹貢瓊琳皆真玉珠也然而隨侯以藥作珠
精耀如真道士之教至知巧之意加也陽遂取火於
天五月丙午日中之時消鍊五石鑄以爲器磨礪生
光仰以嚮日則火來至此直取火之道也今妄以刀
劍之鈎月摩拭朗白仰以嚮日亦得火焉夫鈎月非
陽遂也所以耐取火者摩拭之所致也今夫性惡之

人使與性善者同類乎可率勉之今其為善使之異類乎亦可令與道人之所鑄玉隨侯之所作珠人之所摩刀劍鉤月焉教導以學漸清以德亦將日有仁義之操黃帝與炎帝爭為天子教熊羆貔虎以戰于阪泉之野三戰得志炎帝敗績堯以天下讓舜鯀為諸侯欲得王公而堯不聽怒其猛獸欲以為亂比獸之角可以為城舉尾以為旌奮心盛氣阻戰為疆夫禽獸與人殊形猶可命戰况人同類乎推此以論百獸率舞潭魚出聽六馬仰秣不復疑矣異類以殊為同同類以鈞為異所由不在於物在於人也凡含血氣者教之所以異化也三

苗之民或賢或不肖兒舜齊之恩教加也楚越之人處莊嶽之間經歷歲月變為舒緩風俗移也故曰齊舒緩秦慢易楚促急燕贛投以在獄是之四國之民更相出入久居單處性必變易夫性惡者心比木石木石猶為人用况非木石在君子之迹庶幾可見有癡狂之疾歌啼於路不曉東西不睹燥濕不覺疾病不知飢飽性已毀傷不可如何前無所觀卻無所畏也是故王法不廢學校之官不除獄理之吏欲令凡眾見禮義之教學校勉其前法禁防其後使丹朱之志亦將可勉何以驗之三軍之士非能制也勇將率勉猶死如歸且闔廬嘗試其

士於五湖之側皆加刃於肩血流至地句踐亦試其士於寢宮之庭赴火死者不可勝數夫刃火非人性之所貪也二主激率念不顧生是故軍之法輕刺血孟賁勇也聞軍令懼是故叔孫通制定禮儀拔劍爭功之臣奉禮拜伏初驕倨而後遜順教威德變易性也不患性惡患其不服聖教自遇而以生禍也豆麥之種與稻粱殊然食能去飢小人君子稟性異類乎譬諸五穀皆為用實不異而效殊者稟氣有厚泊故性有善惡也殘則授不仁之氣泊而怒則稟勇渥也仁泊則戾而少怒勇渥則猛而無義而又和氣不足喜怒失時計慮輕愚妄行

之人罪故為惡人受五常含五臟皆具於身稟之泊少故其操行不及善人猶或厚或泊也非厚與泊殊其釀也麴孽多少使之然也是故酒之泊厚同一麴孽人之善惡共二元氣氣有多少故性有賢愚西門豹急佩韋以自緩董安于緩帶弦以自促急之與緩俱失中和然而韋弦附身咸為完具之人能納韋弦之教補接不足則豹安于之名可得參也貧劣宅屋不具墻壁宇達人指訾之如財貨富愈起屋築墻以自蔽鄆為之具宅人弗復非魏之行田百畝鄴獨二百西門豹灌以漳水成為膏腴則畝收一鍾夫人之質猶鄆田道教猶漳水也

患不能化不患人性之難率也。雒陽城中之道無水，水工激上洛中之水，日夜馳流水工之功也。由此言之，迫近君子而仁義之道數加於身，孟母之徙宅，蓋得其驗。人間之水，污濁在野外者，清潔俱為一水源。從天涯或濁或清，所在之勢使之然也。南越王趙他，本漢賢人也，化南夷之俗，背畔王制，椎髻箕坐。好之若性，陸賈說以漢德，懼以聖威，蹶然起坐，心覺改悔。奉制稱蕃，其於椎髻箕坐也，惡之若性。前則若彼，後則若此。由此言之，亦在於教，不獨在性也。

吉驗篇

論衡二

二十七

凡人稟貴命於天，必有吉驗見於地，見於地故有天命也。驗見非一，或以人物，或以禎祥，或以光氣傳言。黃帝姓二十月而生，生而神靈弱，而能言，長大率諸侯諸侯歸之，教熊羆戰以伐炎帝，炎帝敗績，性與人異，故在母之身留多十月，命當為帝，故能教物，物為之使，堯體就之如日望之，若雲洪水滔天，蛇龍為害，堯使禹治水，驅蛇龍水治東流，蛇龍潛處，有殊竒之骨，故有詭異之驗，有神靈之命，故有驗物之效。天命當貴，故從唐侯入嗣，帝后之位，舜未逢堯，鯀在側，陋瞽瞍與象謀欲殺之，使之完廩，火燔其下，令之浚井。

土掩其上舜得下廩不被火災穿井旁出不觸土害
一有堯聞微用試之於職官治職脩事無廢亂使入大
麓之野虎兇狼不搏蝮蛇不噬逢烈風疾雨行不迷惑
夫人欲殺之不能害之毒螫之野禽蟲不能傷卒受
帝命踐天子祚后稷之時履大人跡或言衣帝譽之
服坐息帝譽之處妊身怪而棄之隘巷牛馬不敢踐
之寘之冰上鳥以翼覆之慶集其身母知其神怪乃
収養之長大佐堯位至司馬鳥孫王號昆莫匈奴攻
殺其父而昆莫生棄於野鳥啣肉往食之單于怪之
以為神而収長及壯使兵數有功單于乃復以其父
之民予昆莫今長守於四城夫后稷不當棄故牛
馬不踐鳥以羽翼覆愛其身昆莫不當死故鳥啣肉就
而食之北夷橐離國王侍婢有娠王欲殺之婢對曰
有氣大如雞子從天而下我故有娠後產子捐於猪
溷中猪以口氣噓之不死復徙置馬欄中欲使馬藉
殺之馬復以口氣噓之不死王疑以為天子令其母
収取奴畜之名東明令牧牛馬東明善射王恐奪其
國也欲殺之東明走南至掩淲水以弓擊水魚鼈
為橋東明得渡魚鼈解散追兵不得渡因都王夫餘
故北夷有夫餘國焉東明之母初妊時見氣從天下

而生棄之猪馬以氣吁之而生之長太王欲殺之以
弓擊水魚鱉為橋天命不當死故有猪馬之救命當
都王夫餘故有魚鱉為橋之助也伊尹且生之時其
母夢人謂已曰曰出水疾東走毋顧明日視曰出水
即東走十里顧其鄉皆為水矣伊尹命不當沒故其
母感夢而走推此以論歷陽之都其策命若伊尹之
類必有先時感動在他地之效齊襄公之難桓公為
公子與子糾爭立管仲輔子糾鮑叔佐桓公管仲與
桓公爭引弓射之中其帶鉤夫人身長七尺帶約其
要鉤挂於帶在身所掩不過一寸之內既微小難中
又滑澤銛靡鋒刃中鉤者莫不蹉跌管仲射之正中
其鉤中矢觸因落不跌中旁肉命當富貴有神灵之
助故有射鉤不中之驗楚共王有五子子招子圉子
干子皙棄疾五人皆有寵共王無適立乃望祭山川
請神決之乃與巴姬埋璧於太室之庭令五子齊而
入拜康王跨之子圍肘加焉子干子皙皆遠之棄疾
弱抱而入再拜皆壓紉故共王死招為康王子子央
之圍為灵王及身而弒子干為王十有餘日子皙不
立又俱誅死皆絕無後棄疾後立竟續楚祀如其神
符其王日之長短與拜去璧遠近相應也夫璧在地

中五子不知相隨入行遠近不同歷紐若神將教蹠
之矣晉厲岸灑作難以趙盾之子朔死其妻有遺腹
子及岸賈聞之索於宮母置兒於袴中祝曰趙氏宗
滅乎若當帶即不滅若無聲且索之而終不啼遂脫
得活程嬰齊負之匿於山中至景公時韓厥言於景
公景公乃與韓厥共立趙孤續趙氏祀是為文子當
趙孤之死奇若有掩其口者矣由此言之趙文子立
命也高皇帝母曰劉媪嘗息大澤之陂夢與神遇是
時雷電晦冥蛟龍在上及生而有美質性好用酒膏
從王媪武負賈酒飲醉止卧媪負見其身常有神怪

卷之七年補論衡二

二十

汝彌

每留飲醉酒倍數倍後行澤中手斬大蛇一姬當道
而泣云赤帝子殺吾子此驗既著聞矣秦始皇帝常
曰東南有天子氣於是東遊以厭當之高祖之氣也
與呂后隱於老礪山澤間呂后與人求之見其上常
有氣直氣往求輒得其處後與項羽約先入秦關王
之高祖先至項羽怨恨范增曰吾令人望其氣氣皆
為龍成五采此皆天子之氣也急擊之高祖往謝項
羽羽與亞父謀殺高祖使項莊拔劍起舞項伯知之
因與項莊俱起每劍加高祖之上者伯輒以身覆高
祖之身劍遂不得下殺勢不得成會有張良樊噲之

按李行兒成迷王天下初姪身有蛟龍之神既生酒
會氣雲氣之怪夜行斬蛇蛇嫗悲哭始皇呂后望見
女氣受符謀殺項伯為逆謀遂不成遭得良增蓋富
貴之氣見而物應人助輔援也嘗太后宗名曰廣
百三十五歲家貧為人所掠賣其家不知其所在傳
言一山崩三日陽為其主入入山作炭暮寒卧炭下
百餘日山火崩三日廣國獨得脫自十數日當為侯從
其家之長安國宮與呂后新立家在清河觀津乃上書
自陳言太后三於景帝召見問其故果是乃厚賜之
天子既立其廣國為章武侯天積歲前百餘人皆死廣
國獨脫身當官責罪徒得活又封為侯廣子大陳以
其父人也其生時以夜適免母身母見其上若一尺
練紫短上天羽以問人人皆曰吉貴氣與天通長天
世巨位至司徒公廣文伯河東蒲坂人也其生亦以
夜生時適生有人從門呼其父名父出應之不見人
有一木杖拄其門俱好善異於眾其父持杖入門以
示人人占曰三言文伯長大學宦位至廣漢太守文伯
嘗一富貴故父得賜杖其占者若曰杖當子力矣光武
帝建平元年十二月甲子生於濟陽宮後殿第二內
上某考為濟陽令時夜無火室內自明皇考怪之即

論衡卷第三

王充

偶會篇

骨相篇

初稟篇

本性篇

物勢篇

怪奇篇

偶會篇

命吉凶之主也自然之道適偶之數非有他氣旁物

厭勝感動使之然也世謂子胥伏劍屈原自沉子蘭

宰詭誣譏吳楚之君寃殺之也偶二子命嘗絕子蘭

宰詭適為讒而懷王夫差適信姦也君適不明臣適

為讒二子之命偶自不長二偶三合似若有之其實

自然非他為也夏殷之朝適窮桀紂之惡適稔周周

之數適起湯武之德適豐闢龍逢殺箕子比干囚死

當桀紂惡感之時亦二子命託之期也任伊尹之言

納己望之議湯武且與之會亦二臣嘗用之際也人

臣命有吉凶賢不肖之主與之相逢文王時當昌昌

望命當與高宗治當平傳說德當遂非文王高宗為

二臣生昌望傳說為兩君出也君明臣賢光曜相察

上脩下治度數相得一淵淵死子曰天喪子子路死子

曰天祝予孔子自傷之斷非實然之道也孔子命不王

二子壽不長也不王一小長所稟不同度數並放適相

應也二龍之祿當效周厲適閭橫張如當喪周國也
王京住偶惡非二龍使厲王發孽侵如令幽王思感
也遭逢會遇自相得也僮謠之語當驗閭難之變適
生鸛鶴之占當應魯昭之惡適成非僮謠致閭競
鶴祀是惡也期自至人行偶合也堯命當禪舜亦
朱為無道虞放會傳夏商均行不軌非舜禹當得天下
延後二子惡是相違也火星與昴星出入昴星
位時火星是昴星見時火星伏非火之性厭成昴也
時二星並一辰時也五月建寅斗魁破由非寅建信
二星之轉運之也偶自應也父娶而子嗣姑死而婦

代其子婚以况之也姑終歿也六
世謂其氣衰而氣衰不在洞也
物以類三三三三而熟老適自
會遇可以類之物有秋不死者生性
而冥物正一也而死死謂陰氣殺
亡論者猶或謂元喪之夫久終是
適工人然鬼鬼或見鬼而不死物死觸
墟屋亦是崩崖所墜非屋精崖氣
沮命凶之人遭屋適履月毀於天
雲從龍同類通氣性相感動若夫
物事相遭吉凶同
殺此人也屋老豈
蝶消於淵風從虎
初事相遭吉凶同

時偶適相遇非氣感也殺人者罪至大辟殺者罪重死者命當盡也故害氣下降囚命先中聖王德施厚祿先逢是故德令降於殿堂命長之囚出於牢中天非為囚未當死使聖王出德令也聖王適下赦拘囚適當免死猶人以夜卧晝起矣夜月光盡不可以作人力亦倦欲一休息晝日光明人卧亦覺力亦復足非天以日作之以夜息之也作與日相應息與夜相得也。鴈鴛集於會稽去避碣石之寒來遭民田之畢蹈履民田啄食草糧糧盡食索春雨適作避熱北去復之碣石象耕靈陵亦如此焉傳曰舜葬蒼梧

詩三

三

象為之耕禹葬會稽鳥為之佃夫事之實虛妄之言也丈夫有短壽之相聚必得早寡之妻早寡之妻嫁亦遇夭折之夫也世曰男女早死者夫賊妻妻害夫非相賊害命自然也使火燃以水沃之可謂水賊火火適自滅水適自覆兩名各自敗不為相賊今男女之早夭非水火之比適自滅覆之類也賊父之子妨兄之弟與此同居同宅而颺氣相加凌羸瘠消單至於死亡何謂相賊或客死千里之外兵燒厭溺氣不相犯相賊如何王莽姑姊正君許嫁夫二當適趙而王夫死薨氣未相加遙賊三家何其痛也黃公取鄰巫之女工

謂女相貴故次公位至丞相其實不然次公當貴行
與女會女亦自尊故入次公門偶適然自相遭遇時
也無祿之人商而無盈農而無播非其性賊貨而命
妨粲也命貧居無利之貨祿惡殖不滋之粲也世謂
宅有吉凶徒有歲月實事則不然天道難知假令有
命凶之人當衰之家治宅遭得不吉之地移徙適觸
歲月之忌一家犯忌口以十數坐而死者必祿衰命
泊之人也推此以論仕宦進退遷徙可復元也時適
當退君用諛口時適當起賢人薦已故仕且得官也君
子輔善且失位也小人毀奇公伯寮愬子路於季孫
子路一七至論衡三
孔子稱命魯人臧倉諉孟子平公孟子言天道未當
行與諛相遇天未與已惡人用口故孔子稱命不怨
公伯寮孟子言天不尤臧倉誠知時命當自然也推此
以論人君治道功化可復言也命當貴時適平期當
亂祿遭衰治亂成敗之時與人興衰吉凶適相遇
因此論取賢迭起猶此類也聖主龍興於倉卒良輔
超拔於際會世謂韓信張良輔助漢王故秦滅漢興
高祖得王夫高祖命當自王信良之輩時當自興兩
相遭遇若故相求是故高祖起於豐沛豐沛子第相多富
貴非天以子第助高祖也命相小大適相應也趙簡

子廢太子伯魯立庶子無恤無恤遭賢命亦當君趙也世謂伯魯不肖不如無恤伯魯命當賤知慮多泯亂也韓生仕至太傅世謂賴倪寬實謂不然太傅當貴遭與倪寬遇也趙武藏於袴中終日不啼非或掩其口閉其聲也命時當生睡卧遺中故軍功之侯必斬兵死之頭富家之商必奪貧室之財削土免侯罷退令相罪法明白祿秩適極故厲氣所中必加命短之人凶歲所苦必飢虛耗之家矣

骨相篇

人曰命難知命甚易知知之何用用之骨體人命稟

張治十七年補刊論語三

五

汝鵬

於天則有表候於體察表候以知命猶察斗斛以知容矣表候者骨法之謂也傳言黃帝龍顏頰頰戴牛帝嚳駢齒堯眉八采舜目重瞳禹耳三漏湯臂再肘文王四乳武王望陽周公背僕臯陶馬口孔子反羽斯十二聖者皆在帝王之位或輔主憂世世所共聞儒所共說在經傳者較著可信若夫短書俗記竹帛胤文非儒者所見衆多非一蒼頡四目為黃帝史晉公子重耳佻脇為諸侯霸蘇秦骨鼻為六國相張儀佻脇亦相秦魏項羽重瞳云虞舜之後與高祖分王天下陳平貧而飲食不足貌体佼好而衆人怪之曰平

何食而肥。及韓信為滕公所鑿，兌於缺質，亦以面狀有異，面狀肥佼，亦一相也。高祖隆準龍顏，美鬚左股，有七十二黑子，單父呂公善相，見高祖狀貌，竒之，因以其女妻高祖。呂后是也。卒生孝惠王、魯元公主。高祖為泗上亭長，當去歸之田，與呂后及兩子居田。有一老公過，請飲，因相呂后，曰：「夫人天下貴人也。」令相兩子，見孝惠，曰：「夫人所以貴者，乃此男也。」相魯元，曰：「皆貴。」老公去。高祖從外來，呂后言於高祖，高祖追及老公，止，使自相。老公曰：「鄉者，夫人嬰兒相，皆似君，君相貴不可言也。」後高祖得天下，如老公言，推此以况。

一室之人皆有富貴之相矣。

類同氣鈞，性體法相，固自相似。異氣殊類，亦兩相遇，富貴之男，娶得富貴之

妻，女亦得富貴之男。夫一相不鈞而相遇，則有立死。若未相適，有豫亡之禍也。王莽姑正君許嫁，至期當

行，時夫輒死，如此者，再乃獻之。趙王趙王未取，又薨。

清河南宮大有君父稱君善者，遇相君曰：「貴為天下

好。」是時宣帝世，元帝為太子，樛君乃因魏郡都尉納

之太子，太子幸之，生子君上。宣帝崩，太子立，正君為皇

后，君上為太子。元帝崩，太子立，是為成帝。正君為皇

太后，竟為天下母。夫正君之相當為天下母，而前所許

二家及趙王為無天下父之相故未行而二夫死趙
王薨是則二夫趙王無帝王大命而正君不當與三
家相遇之驗也丞相黃次公故為陽夏游徼與善相
者同車俱行見一婦人年十七以相者指之曰此婦
人當大富貴為封侯者夫人次公止車審視之相者
曰今此婦人不富貴卜書不用也次公問之乃其旁
里人巫家子也即娶以為妻其後次公果大富貴位
至丞相封為列侯夫次公富貴婦人當配之故果相
遇遂具富貴使次公命賤不得婦人為偶不宜為夫
婦之時則有二夫趙王之禍夫舉家皆有富貴之命然
後乃任富貴之事骨法形體有不應者則必別離死
亡不得久享介福故富貴之家役使奴僮育養生隹
必有與眾不同者矣僮奴則有不死亡之相牛馬則
有數字乳之性田則有種孳連熟之穀商則有居善
疾售之貨是故知命之人見富貴於貧賤睹貧賤於
富貴案骨節之法察皮膚之理以審人之性命無不
應者趙簡子使姑布子卿相諸子莫吉至翟婢之子
無恤而以為貴無恤最賢又有貴相簡子後廢太子
而立無恤卒為諸侯襄子是矣相土相黥布當先刑
而乃王後竟被刑乃封王衛青父則季與楊信公主

家僮衛媼通生青在建章宮時鉗徒相之曰貴全封
侯青曰人奴之道得不答罵足矣安敢望封侯其後
青爲軍吏戰數有功超封增官遂爲大將軍封爲萬
戶侯周亞夫未封侯之時許負相之曰君後三歲而
入將相持重國東貴重矣於人臣無兩其後九歲而
君餓死亞夫笑曰臣之兄已代侯矣有如父卒子當
代亞夫何說侯乎然旣已貴如負言又何說餓死指
示我許負指其口有縱理人曰此餓死法也居三歲
其兄絳侯勝有罪文帝擇絳侯子賢者推亞夫迺封條
侯續絳侯後文帝之後六年匈奴入邊乃以亞夫爲
將軍至景帝之時亞夫爲丞相後以疾免其子爲亞
夫買工官尚方甲盾五百被可以爲葬者取庸苦之
不與錢庸知其盜買官器怨而上告其子景帝下吏
責問因不食五日嘔血而死當鄧通之幸文帝也貴
在公卿之上賞賜億萬與上齊體相工相之曰當貧
賤餓死文帝崩景帝立通有盜鑄錢之罪景帝考驗
通亡寄死人家不名一錢韓太傅爲諸生時一有月
之兩字
借相工五十錢與之俱入壁雍之中相壁雍弟子誰
當貴者相工指倪寬曰彼生當貴秩至三公韓生謝
遣相工通刺倪寬結膠漆之交盡筋力之敬徒舍從

寬深自附納之。寬嘗其病韓生養視如僕狀。恩深踰於骨肉。後名聞於天下。倪寬位至御史大夫。州郡丞旨召請擢用。舉在本朝。遂至太傅。夫鉗徒許負及相鄧通倪寬之工。可謂知命之工矣。故知命之工。察骨體之證。睹富貴貧賤。猶一人見盤盂之器。知所設用也。善器必用貴人。惡器必施賤者。尊鼎不在陪廁之側。瓠瓜不在堂殿之上。明矣。富貴之骨。不遇貧賤之苦。貧賤之相。不遭富貴之樂。亦猶此也。器之盛物。有斗石之量。猶人爵有高下之莠也。器過其量。物溢棄遺。爵過其羗。死亡不存。論命者如此之於器。以察骨體之

正德十六年刊 論衡三

法則命在於身形定矣。非徒富貴貧賤有骨體也。而操行清濁亦有法理。貴賤貧富命也。操行清濁性也。非徒命有骨法。性亦有骨法。惟知命有明相。莫知性有骨法。此見命之表證。不見性之符驗也。范蠡去越。自齊遺大夫種書曰。飛鳥盡。良弓藏。狡兔死。走大烹。越王為人。長頸鳥喙。可與共患難。不可與共榮樂。子何不去。大夫種不能去。稱病不朝。賜劍而死。大梁人尉繚說秦始皇以并天下之計。始皇從其冊。與之亢禮。衣服飲食與之齊同。繚曰。秦王為人。隆準長目。顴鷹。豺聲。少恩。虎視狼心。居約易以下人。得志亦輕視。

人我布衣也。然見我常身自下。我誠使秦王須得志天下，皆為虜矣。不可與交游。乃亡去。故范蠡尉繚見性行之證，而以定處來事之實。實有其效，如其法相。由此言之，性命繫於形體明矣。以尺書所載，世所共見。准況古今不聞者，必衆多。非一皆有其實。稟氣於天，立形於地，察在地之形，以知在天之命，莫不得其實也。有傳孔子相澹臺子羽，唐舉占蔡澤不驗之文。此失之不審，何隱匿微妙之表也。相或在內，或在外，或在形體，或在聲氣。察外者遺其內，在形體者亡其聲氣。孔子適鄭，與弟子相失。孔子獨立鄭東門，鄭人或問子貢曰：東門有人，其頭似堯，其項若臯陶，肩類子產，然自腰以下不及禹三寸，僂僂若喪家之狗。子貢以告孔子，孔子欣然笑曰：形狀未也。如喪家狗，然哉。然哉。夫孔子之相鄭人，失其實。鄭人不明法術，淺也。孔子之失子羽，唐舉惑於蔡澤，猶鄭人相孔子，不能具見形狀之實也。以貌取人，失於子羽；以言取人，失於宰予也。

初稟篇

人生性命當富貴者，初稟自然之氣，養育長大富貴之命，效矣。文王得赤雀，武王得白魚，赤鳥儒者論之。

以爲雀則文王受命魚鳥則武王受命文王受命於
天天用雀與魚鳥命授之也天用赤雀命文王文王
不受天復用魚鳥命武王也若此者謂本無命於天
脩己行善善行聞天天乃授以帝王之命也故雀與
魚鳥天使爲王之命也王所奉以行誅者也如賈論
之非命也命謂初所稟得而生也人生受性則受命
矣性命俱稟同時並得非先稟性後乃受命也何以
明之棄事堯爲司馬居稷官故爲后稷曾孫公劉居
郃後徙居邠後孫古公亶甫三子太伯仲雍季歷季歷
生文王昌昌在襁褓之中聖瑞見矣故古公曰我世當

有興者其在昌乎於是太伯知之乃辭之吳文身斷
髮以讓二季文王受命謂此時也天命在人本矣太
王古公見之早也此猶爲未文王在母身之中已受
命也王者一受命內以爲性外以爲體體者而輔骨
法生而稟之吏秩百石以上王侯以下郎將大夫以
至元士外及刺史太守居祿秩之吏稟富貴之命生
而有表見於面故許負姑布子卿輒見其驗仕者隨
秩遷轉遷轉之人或至公卿命祿尊貴位望高大王
者尊貴之率高大之最也生有奇大之命其時身有
尊貴之奇古公知之見四乳之怪也夫四乳聖人證

也在母身中稟天聖命豈長大之後脩行道德四乳
乃生以四乳論望羊亦知為胎之時已受之矣劉媪
息於大澤夢與神遇遂生高祖此時已受命也光武
生於濟陽宮夜半無火內中光明軍下卒蘇永謂公
曹史充蘭曰此吉事也母多言此時已受命獨謂文
王武王得赤雀魚鳥受命非也上天壹命王者乃
興不復更命也得富貴矣天命自起王矣何以驗之富
家之翁皆累千金生有富骨治生積貨至於年老成
為富翁矣夫王者天下之翁也稟命定於身中猶鳥
之別雌雄於卵殼之中也卵殼孕而雌雄生日月至
而骨節彊彊則雄自率將雌雄非生長之後或教使
為雄然後乃敢將雌此氣性剛彊自為之矣夫王者
天下之雄也其命當王王命定於懷妊猶富貴骨生
有鳥雄卵成也非唯人鳥也萬物皆然草木生於實
核出土為栽蘖稍生莖葉成為長短巨細皆由實核
王者長巨之最也朱莖之莖如鍼紫芝之栽如豆成
為瑞矣王者稟氣而生亦猶此也或曰王者生稟天
命及其將王天復命之猶公卿以下詔書封拜乃敢
即位赤雀魚鳥上天封拜之命也天道人事有相命
使之義自然無為天之道也命文以赤雀武以白魚

是有為也管仲與鮑叔分財取多鮑叔不與管仲不
求內有以相知視彼猶我取之不疑聖人起王猶管
之取財也朋友彼我無有授與之義上天自然有命
使之驗是則天道有為朋友自然也當漢祖斬大蛇
之時誰使斬者豈有天道先至而乃敢斬之哉勇氣
奮發性自然也夫斬大蛇誅秦殺項同一實也周之
文武受命伐殷亦一義也高祖不受命使之將獨謂
文武受雀魚之命誤矣難曰康王之誥曰冒聞于
上帝帝休天乃大命文王加無命史經何為言
天乃大命文王所謂大命者非天乃命文王也聖人
動作天命之意也與天合同若天使之矣書方激勸
康叔勉使為善故言文王行道上聞于天天乃大命
之也詩曰乃眷而顧此惟予度與此同義天無頭面
眷顧如何人有顧睨以人倣天事易見故曰眷顧天
乃大命文王眷顧之義實天不命也何以驗之夫大人
與天地合其德與日月合其明與四時合其序與鬼神
合其吉凶先天而天不違後天而奉天時如必湏天
有命乃以從事安得先天而後天乎以其不待天命直
以心發故有先天後天之勤言合天時故有不違奉
天之文論語曰大哉堯之為君唯天為大唯堯則之王

者則天不違奉天之義也。推自然之性與天合同，是則所謂大命文王也。自文王意，文王自為非天驅赤雀，使告文王云當為王，乃敢起也。然則文王赤雀及武王白魚，非天之命，昌熾祐也。吉人舉事無不利者，人徒不召而至，瑞物不招而來，黯然諧合，若或使之出門，聞告顧睨，見善自然，道也。文王當興，赤雀適來，魚躍鳥飛，武王偶見，非天使雀至白魚來也。吉物動飛而聖遇也。白魚入于王舟，王陽曰偶適也。光祿大夫劉琨前為弘農太守，虎渡河，光武皇帝曰偶適自然，非或使之也。故夫王陽之言適，光武之言偶，可謂合於自然也。

弘治十七年補刊論衡三

十四 汝

本性篇

情性者，人治之本，禮樂所由生也。故原情性之極，禮為之防，樂為之節。性有卑謙，辭讓故制禮以適其宜；情有奸惡，喜怒哀樂故作樂以通其敬。禮所以制樂，所為作者情與性也。昔儒舊生著作篇章，莫不論說，莫能實定。周人世碩以為人性有善有惡，舉人之善性，養而致之則善長，有無性惡養而致之則惡長。如此則情字性各有陰陽，善惡在所養焉。故世子作養書一篇，宓子賤漆彫開公孫尼子之徒，亦論情性與世子

相出入皆言性有善有惡孟子作性善之篇以為人
性皆善及其不善物亂之也謂人生於天地皆稟其
性長大與物交接者一有放縱悖亂不善日以生矣若
孟子之言人幼小之時無有不善也微子曰我舊云
孩子王子不出紂為孩子之時微子勝其不善之性
性惡不出衆庶長大為亂不變故云也羊舌食我初
生之時或姬視之及堂聞其啼聲而還曰其聲豺狼之
聲也野心無親非是莫滅羊舌氏遂不肯見及長一有
祁勝為亂食我與焉國人殺食我羊舌氏由是滅矣
紂之惡在孩子之時食我之亂見始生之聲孩子始
生朱與物接誰令悖者丹朱生於唐宮商均生於虞
室唐虞之時可比屋而封所與接者必多善矣二帝之旁
必多賢也然而丹朱傲商均虐並失帝統歷世為戒
且孟子相人以眸子焉心清而眸子瞭心濁而眸子眊
人生目輒眊瞭眊瞭稟之於天不同氣也非幼小之
時瞭長大與人接乃更眊也性本自然善惡有質孟子
之言情性未為實也然而性善之論亦有所緣或仁
或義性術乖也動作趨翔性識詭也面色或白或黑
身形或長或短至老極死不可變易天性然也皆知
水土物器形性不同而莫知善惡稟之異也一有
子日字

論語

一歲嬰兒無爭奪之心長大之後或漸利色狂心悖
行由此生也告子與孟子同時其論性無善惡之分
譬之湍水決之東則東決之西則西夫水無分於東
西猶人無分於善惡也夫告子之言謂人之性與水
同也使性若水可以水喻性猶金之為金木之為木
也人善因善惡亦因惡初稟天然之姿受純壹之質
故生而此見善惡可察無分於善惡可推移者謂中
人也不善不惡須教成者也故孔子曰中人以上可
以語上也中人以下不可以語上也告子之以決水
喻者徒謂中人不指極善極惡也孔子曰性相近也

論語

孟子

習相遠也夫中人之性在所習焉習善而為善習惡
而為惡也至於極善極惡非復在習故孔子曰惟上
智與下愚不移性有善不善聖化賢教不能復移易也孔
子道德之祖諸子之中最卓者也而曰上智下愚不
移故知告子之言未得實也夫告子之言亦有緣也
詩曰彼姝之子何以與之其傳曰譬猶練絲染之監
則青染之染則赤夫決水使之東西猶染絲今之青
赤也丹朱商均已染於唐虞之化矣然而丹朱傲而
商均庸者至惡之質不受藍朱變也孫卿有反孟子
作性惡之篇以為人性惡其善者偽也性惡者以為

性者得氣也。偽者長大之後，勉然為之也。

又言人幼小無有善也。稷為見以，種為見。孔子

能行以俎豆為弄，石生而堅，蘭生而香，豈不善氣乎？

就成故種樹之歲為唐司馬俎豆之弄，為周聖所真。

蘭石之性故有堅香之氣。夫孫卿之言未為得實，然

而性惡之言有緣也。一歲嬰兒無推讓之心，見食號

欲食之，嗜好啼欲玩之，長大之後，禁情欲，勉履為

善矣。劉子政非之曰：如此則天無氣也。陰陽善惡不

相當，則人之為善安從生？陸賈曰：天地生人也，以禮

義之性，人愈察已，所以受命。則順順之謂道。夫陸賈

知人禮義為性，人亦能察已，所以受命。性善者不待

察而自善，性惡者雖能察之，猶肯禮義，抱於善

不能為也。故貪者能言廉，亂者能言治，盜跖非人之

稱也。莊躄刺人之濫也。明能察已，口能論賢性惡不為

何益於善？陸賈之言未能領實。善者仲舒曾孫之書，

情性之說曰：天之大經一陰一陽，人之大經一情一性。

性生於陽，情生於陰。陰氣

陽也，謂惡者且見其陰者。

陽孫卿見其陰也。處二家之

性有善有惡，夫也。夫人情性

有見可也。不處人情，性

同生於陰陽，其生於陰陽

有渥有泊至工於石有純

善仲舒之言未能得實劉

身而不發情也於物而然

陽不發者則謂之陰夫子

情接於物形出於外故謂

謂之陰夫如子政之言乃

本所生起苟以形出與不發

陽性亦與物接造次必於

不忍仁之氣也且謙辭讓

隱且謙形出於外謂性在

論性之善惡徒議外內陰

言以性為陰情為陽夫人

子以下三劉子政為儒道日

意無定是唯世碩儒公孫以

言之事易知道難論也鄧文

世如鉛蜜未必得實實者人

高有下也高不可下下不可

乎無高下也稟性受命同一

惡謂性無善惡是謂人命無

性也故有善赤黑之別上中

有駁情性於陰陽矣凡純

丁政曰性生而然者也在於

也出形於外形外則謂之

政之言謂性在身而不發

之陽性不發不與物接故

謂情為陽性為陰也不據

見定陰陽也必以形出為

是顯沛必於是則隱不忍

性之發也有與接會故則

內不與物接恐非其實不

知且從子政之

稟情竟有善惡不也自三

生聞見多矣然而論情性

徒頗得其正由此

如宋華協諸劇談

性有善有惡猶人才有

無善惡是謂人

性有善

性有善

性有善

性有善

故有清濁之流東西南北之趨
常之氣或仁或義性術乖也動
識詭也面色或白或黑身形或
可變易天性然也余固以孟軻
上者也孫卿言人性惡者中人
性善惡混者中人也若反經合
之理則未也

物勢篇

儒者論曰天地故生人此言妄
生也猶夫婦合氣子則自生也

得生子情欲動而合合而生子
以知天地不故生人也然則人
於淵蟻虱之於人也因氣而生
之間皆實也傳曰天地不故生
事者何故云天地為鑪萬物為
工乎案陶冶者之用火爍銅燔
地不故生人人偶自生耳可謂
器偶自成乎夫比不應事未可
謂是也曰是喻人稟氣不能純
器之得火也非謂天地生人與

人稟天地之性懷五
作趨翔或重或輕性
長或短至老極死不
言人性善者中人以
以下者也揚雄言人
道則可以為教盡性

也夫天地合氣人偶自
夫婦合氣非當時欲

矣且夫婦不故生子
生於天地也猶魚之
類相逐萬物生天地
人人偶自生也此論
銅陰陽為火造化為
器故為之也而云天
陶冶者不故為器而
謂喻文不稱實未可
一若爍銅之下形燔
陶冶同也與喻人皆

引人事人事有體不可斷絕以目視頭頭不得不動以
手相足足不得不搖目與頭同形手與足同體今夫陶
冶者初埏埴作器必摸範為形故作之也燃炭生火
必調和鑪竈故為之也及銅爍不能皆成器燔不能
盡善不能故生也夫天不能故生人則其生萬物亦
不能故也天地合氣物偶自生矣夫耕耘播種故為
之也及其成與不熟偶自然也何以驗之如天故生
萬物當令其相親愛不當令之相賊害也或曰五行
之氣天生萬物以萬物含五行之氣五行之氣更相
賊害曰天自當以一行之氣生萬物令之相親愛不

當令五行之氣反使相賊害也或曰欲為之用故令
相賊害賊害相成也故天用五行之氣生萬物人用
萬物作萬事不能相制不能相使不相賊害不成為
用金不賊木木不成用火不爍金金不成器故諸物
相賊相利含血之蟲相勝以相齧噬相啖食者皆五
行氣使之然也曰天生萬物欲令相為用不得相
賊害也則生虎狼蝮蛇及蜂蠆之蟲皆賊害人天又
欲使人為之用邪且一人之身含五行之氣故一人之
行有五常之操五常五 之道也五藏在內五行氣
俱如論者之言含血之蟲懷五行之氣輒相賊害人

之身曾懷五藏自相賊也一人之操行義之心自相
害也且五行之氣相賊害含血之蟲相勝服其驗何
在曰寅木也其禽虎也戌土也其禽犬也丑未亦土
也丑禽牛未禽羊也木勝土故犬與牛羊為虎所服
也亥水也其禽豕也巳火也其禽蛇也子亦水也其
禽鼠也午亦火也其禽馬也水勝火故豕食蛇火為
水所害故馬食鼠屎而腹脹曰審如論者之言含血
之蟲亦有不相勝之效午馬也子鼠也酉雞也卯兔
也水勝火鼠何不逐馬金勝木雞何不啄兔亥豕也
未羊也丑牛也土勝水牛羊何不殺豕巳蛇也申猴
也火勝金蛇何不食獼猴獼猴者畏鼠也靈獼猴者
犬也鼠水獼猴金也水不勝金獼猴何故畏鼠也戌
土也申猴也土不勝金猴何故畏犬東方木也其星
倉龍也西方金也其星白虎也南方火也其星朱鳥
也北方水也其星玄武也天有四星之精陰生四獸
之體含血之蟲以四獸為長四獸含五行之氣最較
著案龍虎交不相賊鳥龜會不相害以四獸驗之以
十二辰之禽效之五行之蟲以氣性相刻則尤不相
應凡萬物相刻賊含血之蟲則相服至於相啖食者
自以陸牙頓利筋力優劣動作巧使氣勢勇健若人

之在世勢不與適力不均等自相勝服以力相服則以刃相賊矣夫人以刃相賊猶物以齒角爪牙相觸刺也力強角利勢烈牙長則能勝氣微爪短誅膽小距頓則服畏也人有勇怯故戰有勝負者未必受金氣負者未必得木精也孔子畏陽虎卻行流汗陽虎未必色白孔子未必面青也鷹之擊鳩雀鷓之啄鵠鴈未必鷹鷓生於南方而鳩雀鵠鴈產於西方也自是筋力勇怯相勝服也一堂之上必有論者一鄉之中必有訟者訟必有曲直論必有是非非而曲者為負是而直者為勝亦或辯以利害辭喻橫出為勝或訕弱綴跲蹇蹇不比者為負以舌論訟猶以劍戟鬪也利劍長戟手足健疾者勝短矛手足緩留者負夫物之相勝或以筋力或以氣勢或以巧便小有氣勢口足有便則能以小而制大大無骨力角翼不動則以大而服小鵠食蝟皮博勞食蛇蝟蛇不便也蚊虻之力不如牛馬牛馬困於蚊虻蚊虻乃有勢也鹿之角足以觸大獼猴之手足以搏鼠然而鹿制於犬獼猴服於鼠角爪不利也故十年之牛為牧豎所驅長仞之象為越僮所鉤無便故也故夫得其便也則以小能勝大無其便也則以彊服於羸也

北齊書卷之二十一

二十二

齊書

奇怪篇

儒者稱聖人之生不因，人氣更稟精於天。禹母吞薏苡

而生禹，故夏姓曰姁。禹母吞燕卵而生高，故殷姓曰子

后。稷母履大人跡而生，后稷故周姓曰姬。詩曰：不埤

不副，是生后稷。說者又曰：禹高逆生，閻母背而出。后

稷順生，不埤不副，不感動母體。故曰：不埤不副，逆生

昔子孫逆死，順生。詩之孫順曰：故桀紂誅死，紂王奪

邑，言之有頭足，故人信其說明事，以驗證故人。然其

文識書又言：堯母慶都野出，赤龍感已，遂生堯。高祖

本紀言：劉媪嘗息大澤之陂，夢與神遇，是時雷電晦

冥，太公往視，見虹，龍也。上已而有身，遂生高祖。其言

祇駁文，又明著世儒言也。彼詩言不埤不副，其不感動母體可也。言其

閻母背而出，妄也。夫一

生聖子，與復育同道

口而出，崇禹母吞薏苡

禹高之母，生宜皆從口

竟虛妄也。世間血刃死

生皆逆也。秦失天下，國

先相伯翳，豈逆生乎。如

是為順逆之說，以驗三家之

者多未必其先祖初為人者，樂斬胡亥，項羽誅子嬰，秦之

祖誤矣且夫蕙苴草也燕卵鳥也大人跡土也三者

皆形非氣也安能生人說聖者以為稟天精微之氣

故其為有殊絕之知今三家之生以草以鳥以土可

謂精微乎天地之性唯人為貴則物賤矣今貴人之

氣更稟賤物之精安能精微乎夫令雌雀施氣於鴈

鵠終不或子者何也且雀之身小鴈鵠之形大也令

燕之身不過五寸意以之莖不過數尺二女吞其卵

實安能成七尺之形乎燻一鼎之銅以灌一錢之形

不能成一鼎明矣令田天神故其跡巨巨跡之

人一鼎之燻銅也姜公之錢之形也使大人施

氣於姜原姜原之精則后稷不能成

能柔堯堯與高如不類土者生不出土

土之育物也堯高初也物生自類本種夫二

也與為牝牡牝牡之會皆施若夫牡馬見雌牛雄

也今龍與人異類何也龍之感於人而施氣或曰夏之衰

二龍鬪於庭吐藜於地龍云藜在櫝而藏之至周幽王

龍云藜在櫝而藏之至周幽王

龍云藜在櫝而藏之至周幽王

龍云藜在櫝而藏之至周幽王

龍云藜在櫝而藏之至周幽王

龍云藜在櫝而藏之至周幽王

發出龍漿化為玄龜入于後宮與處女交遂生褒姒
玄龜與人異類何以感於處女而施氣乎夫玄龜所
交非正故褒姒為禍周國以亡以非類妄交則有非
道妄亂之子今堯高祖之母不以道接會何故二帝
賢聖與褒姒異乎或曰趙簡子病五日不知人覺言
我之帝所有熊來帝命我射之中熊死有罷來我又
射之中罷罷死後問當道之鬼鬼曰熊罷晉二卿之先
祖也能罷罷物也與人異類何以施類於人而為二卿祖
夫簡子所射熊罷二卿祖當亡簡子當昌之秋也簡
子見之若寢夢矣空虚之象不必有實假令有之或時

熊罷先化為人乃生二卿魯公牛哀病化為虎人化
為獸亦如獸為人玄龜入後宮殆先化為人天地之
間異類之物相與交接未之有也天人同道好惡均
心人不好異類則天亦不與通人雖生於天猶蟣虱
生於人也人不好蟣虱天無故欲生於人何則異類殊
性情欲不相得也天地夫婦也天施氣於地以生物
人轉相生精微為聖昏因父氣不更稟取如更稟者
為聖高后稷不聖如聖人皆當更稟十二聖不皆然
也黃帝帝嚳帝顓頊帝舜之母何所受氣文王武王
周公孔子之母何所感吞此或時見三家之姓曰妣氏

子氏姬氏則因依放空生怪說猶見鼎湖之地而著黃
帝升天之說矣失道之意還反其字蒼頡作書與事
相連姜原履大人跡跡者基也姓當為其下土乃為
女旁巨非基跡之字不合本事疑非實也以周姬況
夏殷亦知子之與如非燕子蒼莖也或時禹契后稷
之母適欲懷妊遭吞蒼莖以燕卵履大人跡也世好奇
怪古今同情不見奇怪謂德不異故因以為姓世間
誠信因以為然聖人重疑因不復定世士淺論因不
復辨儒生是古因生其說彼詩言不圻不副者言后
稷之生不感動母身也儒生穿鑿因造禹契逆生之

說感於龍夢與神遇猶比率也堯高祖之母適欲懷
妊遭逢雷龍載雲雨而行人見其形遂謂之然夢與神
遇得聖子之象也夢見鬼合之非夢與神遇乎安得
其實野出感龍及蛟龍居上或堯高祖受命龍
為吉物遭加其上吉祥之瑞受命之證也光武皇帝產
於濟陽宮鳳皇集於地嘉禾生於屋聖人之生奇鳥吉
物之為瑞應必以奇吉之物見而子生謂之物之子是
則光武皇帝嘉禾之精鳳皇之氣歟案帝繫之篇及三
代世表禹鯀之子也尚稷曰帝嚳之子其母曰帝嚳之
妃也及堯亦嚳之子帝王之妃何為適草野古時雖質

